

ՄԱՏՄԱԿԱՆ ԹԱՆԳԱՐԱՆՈՒՄ

Հայկական ՍՍՌ Գիտությունների ակադեմիայի Պատմության թանգարանը հարստացավ հայ ժողովրդի XVI—XVIII դարերի և XIX դարի առաջին կեսի պատմությանը նվիրված մշտական ցուցադրությամբ:

Ցուցահանդեսը սկսվում է երկու դեպքերից, ռազմաֆեոդալական պետությունների՝ սուլթանական Թուրքիայի և շահական Պարսկաստանի տիրապետությունների լծի ներքո հայ ժողովրդի ծանր ու ողբերգական վիճակը բացահայտող նյութերով: Հիշատակության արժանի է Հ. Զարդարյանի մեծ վարպետությամբ կատարված կոմպոզիցիոն նկարը, ուր ցույց է տրվում 1604 թ. 350 հազար հայերի ըռնի գաղթեցումը Պարսկաստանի խորքերը՝ Սեֆյան դինաստիայի ամենադաժան դեմքերից մեկի՝ Շահ-Աբասի հրամանով: Լուր ստանալով օսմանյան բանակի արագ առաջխաղացման մասին, Շահ-Աբասը զենքի սպառնալիքով հարկադրում է գաղթող ընակությունը անցնել Արարսի մյուս ափը: Այդ խառնիխուռն զանգվածի մի մասը զոհ է գնում Արարսի վարար ջրերին, շատերը կողոպուտի ու գերեվարության են ենթարկվում զինվորների կողմից: Անապատի են վերածվում Արևելյան Հայաստանի երբեմնի շեն ու ծաղկուն գյուղերն ու քաղաքները:

Մեծ հետաքրքրություն են առաջացնում նաև ժողովրդի կենցաղը բնորոշող տնային գործածության իրերը՝ մեծ ճաշակով ու նրբությամբ պատրաստված պղնձյա, փայտյա, անգամ քարե ամանները, կավից ու տարբեր այլ մետաղներից պատրաստված ճրագները, չրի սափորները, աղամանները, խնկամանները, կողպեքները և այլ տնային պարագաները: Գեղարվեստական հաճույք են պատճառում հայկական ձեռագործների, ասեղնագործության և դաճված կտորների նմուշները:

Հայ գյուղացիության կյանքի ու կենցաղային պայմանների մասին շատ պարզ ու որոշակի պատկերացում կարելի է կազմել «Հայ գյուղը», ինչպես և «Գյուղացու տունը» ցուցադրված ժակետներից:

Հետաքրքրությամբ են դիտվում այդ ժամանակ գործածվող սառը զենքերի, հրազենի տեսակները, ինչպես և ոսկերչության և այլ արհեստների վերաբերյալ եղած նյութերը և նրանց արտադրանքի նմուշները՝ XVI—XVIII դարերում:

Այցելուների հատուկ ուշադրության է արժանանում Հնդկաստանի Ագրա քաղաքում XVII դարում կառուցված Թաշ-Մահալի՝ դամբարան-մզկիթի մակետը: Համաշխարհային ճարտարապետության նշանավոր հուշարձան հանդիսացող այդ դամբարան-մզկիթի կառուցման աշխատանքներին մասնակցել են նաև հայ արվեստագետ վարպետները:

Թանգարանում մի շարք էքսպոնատներով պարզաբանված է հայկական կուլտուրայի զարգացման մակարդակը XVI—XVIII դարերում:

Մեծ հետաքրքրություն է նրկայացնում 1512 թ. վենետիկում լույս տեսած առաջին տպագրված գրքի օրինակը:

«Հայկական տպագրությունը XVI—XVIII դարերում» բաժնում ցուցադրված են հայ պարբերական առաջին մամուլի՝ «Ազդարար»-ի անվանաթերթը, Ե. Շահմիրյանի «Որոգայթ փառաց»-ը, Զամյանի «Հայոց պատմութիւն» գործի սովորածավալ հատորները, Առաքել Դավթիսեցու, Արրահամ Երևանցու աշխատությունները և գիտության այլ ճյուղերի՝ բժշկության, ռախարհագրության վերաբերյալ գրքեր ու զանազան բառարաններ:

Բուն Հայաստանի տերիտորիայի վրա տպագրական գործը սկսվում է XVIII դարի երկրորդ կեսից միայն, երբ 1771 թ. էջմիածնում հիմնադրվում է առաջին տպարանը: Ցուցադրված է այդ տպարանի հիմնադրման վիժագիր արձանագրությունը և այլն:

Հատուկ ցուցափեղկերում ներկայացված են գեղարվեստական արժեք ներկայացնող եկեղեցական հագուստեղենի և այլ իրերի ժողովածուները, հայկական երաժշտական գործիքներին նմուշները, այդ թվում և Սայաթ-Նովայի վերագրվող բյամանյան:

XVII—XVIII դարերում տնտեսական-քաղաքական կապեր են հաստատվում հայ ժողովրդի և Ռուսաստանի միջև: Յուցադրված են Խարակ օրու նկարը, նրա գործունեության հետ կապված փաստաթղթերը, մասնավորապես Խարակ օրու Պետրոս I-ի հետ վարած բանակցությունների պատճեններ և բազմաթիվ այլ նյութեր:

XVIII դարի առաջին քառորդում ազատագրական ձգտումները ուժեղանում են հատկապես Ղարաբաղում և Սյունիքում:

Բազմաթիվ նյութերով և գրաֆիկ նկարներով շույց է տրված Երևանի պաշտպանությունը թուրքական բանակի հարձակումներից: Մի այլ մեծ կտավի վրա պատկերված է, թե ինչպես Հաղիձորում մի գիշեր բերդապահ զորքի 300 կտրիճներ Մխիթար սպարապետի և տեր Ավետիսի առաջնորդությամբ հանկարծակի հարձակվում են թշնամու մեծաթիվ զորքերի վրա և խուճապի մատնում նրանց:

Յուցահանդեսում եղած մի շարք փաստաթղթեր վկայում են ռուսական պետության բաբայացված վերաբերմունքը հայ ժողովրդի պատվիրակությունների և ընդհանրապես այն բոլոր հայերի նկատմամբ, որոնք թուրք և պարսիկ հարստահարիչների դաժան հետապնդումներից խուսափելով՝ ապաստարան էին գտնում ռուսական տերիտորիաներում: Յուցափեղկերում է գտնվում Նիգալակտու Պետրովնայի հրովարտակր, որով հայ առևտրական Սաֆար Բարսեղյանին արտոնում է Հաշտարխանում (Ասարխանում) հիմնելու մետաքսագործական և րամբակագործական ֆաբրիկաներ (1742), ինչպես և Եկատերինա II-ի հրովարտակր, որով Ղրիմի հայերին թույլատրվում է Դոնի գետաբերանին հիմնելու Նոր-Նախիջևան քաղաքը, և նրանց տրվում են մի շարք այլ արտոնություններ (1779 թ.):

Յուցահանդեսի հաջորդ բաժինը նվիրված է Արևելյան Հայաստանի թուրքական և պարսկական զավթիչներից ազատագրելու և Ռուսաստանին միացնելու իրադարձությունների հետ կապված նյութերի ցուցադրմանը: Ներկայացված ազգագրական հարուստ նյութերը՝ զգեստներ, ամաններ, լուսանկարներ խոսում են այն մասին, որ մինչև XIX դարի սկզբները հայ ժողովուրդը շարունակում էր ապրել այդ տառապանքներով լի ժամանակաշրջանը: Պարսկական պետության մեջ տիրող անարխիան ու տնտեսական ճգնաժամը ահռելի չափերի էր հասցրել գյուղացիությունից գանձվող հարկերն ու տուրքերը:

Անդրկովկասի ժողովուրդների և հատկապես հայ ժողովրդի նկատմամբ կիրառվող այդ հայածանքներն ու հարստահարություններն անհուն վրեժով և ատելությամբ էին լցնում նրանց ղեպի թուրք-պարսկական խաներն ու փաշաները: Ազատագրական պայքարը գնալով դառնում է ալևիկ վճռական և այդ արդարացի պայքարը Ռուսաստանի օգնությամբ պսակվում է մեծ հաջողություններով:

1801 թ. Վրաստանի միացումը Ռուսաստանին, ինչպես և 1813 թ. Գյուլիստանի պայմանագրով Երևանի, Լոռի-Փամբակի, Մամշադիի, Զանգեզուրի, Ղափանի և այլ հայաբնակ վայրերի ազատագրումը մեծ չափով ուժեղացրեց Անդրկովկասի ժողովուրդների ազատագրական ձրգտումները:

1804—1813 թթ. Պարսկստանի և 1806—1812 թթ. Թուրքիայի դեմ մղվող պատերազմների ընթացքում Ռուսաստանը մի շարք արշավանքներ է ձեռնարկում ղեպի Արևելյան Հայաստան: Այդ առթիվ էքսպոզիցիայում ներկայացված են ռազմական գործողությունների սխեմաներ, մի քանի ճակատամարտերի նկարներ և ժամանակի իրադարձություններն վերլուծող փաստաթղթեր: Մեծ հետաքրքրությամբ է դիտվում 1826—1828 թթ. ռուս-պարսկական և 1828—1829 թթ. ռուս-թուրքական պատերազմների վերաբերյալ բաժինը: Այստեղ ցուցադրվում են ռուսական, թուրքական և պարսկական զինվորական համազգեստներ, զենքերի տեսակներ, ռուսական հրամանատարության հրամանների պատճեններ, պատերազմական գործողությունների սխեմաներ, ռուսական բանակի տարած հաղթանակների պատվին կտրված մեդալներ և այլն:

Ողջ ժողովուրդը ուրբի է կանգնում իր երկիրը օտարերկրյա լծից ու հալածանքներից ազատագրելու համար: Թիֆլիսում, Ղարաբաղում և այլ քաղաքներում կազմակերպվում են կամավորական ջոկատներ, որոնք ունենին իրենց կանոնադրությունը, ազգային դրոշներ և հայ հրամանատարներ: Նրանք պարենով, զինամթերքով մեծ օգնություն էին ցույց տալիս ռուսական բանակին: Յուցադրված կոշիկից մեկում կարդում ենք. «...Հասավ ժամը, երբ սչրով պիտի տեսնենք Արարատյան աշխարհի և հայոց ազգի ազատությունը... Ուրբի կանգնեցե՛ք, հայոց քաղեր, թոթափեցե՛ք պարսից լուծը, ուրախացե՛ք ալեզարդ Մասիսին, մի անգամ արշուճով ներկեցե՛ք հայրենի հողերն ու ապա ապրիցե՛ք ազուտ»:

Յուցահանդեսում գրավոր փաստաթղթերի հետ միասին, ցուցադրված են և կամավորական ջոկատների դրոշներ, կամավորի հագուստը և այլ նյութեր:

Այդ ենթարժանում կենտրոնական տեղ են գրավում Երևանի բերդի պաշարմանն ու գրավմանը նվիրված նյութերը:

Էքսպոզիցիայում ցուցադրված են Երևանի, Էրզրումի բերդերի բանալիները, Երևանի, Կարսի գրավման պատվին պատրաստած մեդալները, ավար վերցված պարսկական դրոշները, դեկարրիստներ Պ. Կոնովնիցիների, Ա. Օրուսկու, Մ. Պուշկինի, Ե. Լաչինովի, Պ. Բեստուժևի, բանաստեղծ պարտիզան Դ. Դավիդովի, արքեպիսկոպոս Ներսես Աշտարեկցու, գեներալներ՝ Նրմուլովի, Կրասովսկու, Բեյբուժովի լուսանկարները:

Ցուցադրված է Ա. Ս. Գրիբոյեդովի նկարը և նրա գործունեության վերաբերյալ բազմաթիվ փաստաթղթեր, որտեղ ցույց է տրված ներգաղթի կարևոր նշանակությունը Հայաստանի ազգաբնակչության ազգագրական կազմը փոխելու, ինչպես և գյուղատնտեսության, արհեստների և առևտրի զարգացման համար նպաստավոր պայմաններ ստեղծելու գործում:

Մեծ հետաքրքրություն է ներկայացնում ներգաղթած հայերի նոր բնակավայրերի մեծադիր քարտեզը, կարևորագույն հայկական քաղաքների լուսանկարները, կոմպոզիցիոն նկարներով պատկերված գաղթի ընթացքը:

Ցուցահանդեսում երկու մեծ դահլիճներ տրամադրված են այնպիսի էքսպոնատների, որոնք մեզ բազմակողմանիորեն ծանոթացնում են Արևելյան և Արևմտյան Հայաստանում այդ ժամանակ գոյություն ունեցող բազմաթիվ ու բազմատեսակ արհեստներին և ազգաբնակչության պրակտիկ հիմնական ճյուղին՝ գյուղատնտեսությանը:

Սրահներում ցուցադրված են գյուղատնտեսության մեջ գործածվող համարյա բոլոր տեսակի գործիքները՝ մանգաղներ, գերանդիներ, եղաններ, բահեր, գութան, ինչպես և արհեստներին վերաբերող աշխատանքային գործիքներ, տնային և կենցաղային առարկաներ և այլն:

Բազմաթիվ գրաֆիկ և յուղաներկ նկարներ արտացոլում են հայ ժողովրդի կենցաղային զանազան սովորություններ, կրոնական ծիսակատարություններ, ժողովրդական խաղեր և այլն:

Դիտողի ուշադրություն է գրավում XIX դարի առաջին կեսի գյուղացու տան մականոց և բնական մեծությամբ պատրաստված դարբնոցը, որտեղ պատկերված է աշխատանքի պրոցեսը, կտավագործի դազգահը, մանածագործի ճախարակը, բրուտի պտուտակ չարխը: Հատուկ ցուցափեղկերում դասավորված ասեղնագործության, արծաթագործության և ոսկերչության արտադրանքի նմուշները խոսում են Հայաստանի արհեստների բազմազանության մասին:

Ցուցահանդեսը վերջանում է XIX դարի առաջին կեսի կուլտուրային նվիրված բաժնով: Ուշադրություն է գրավում աշխարհի տարբեր մասերում տարածված հայ կուլտուրայի կարևորագույն օջախների՝ դպրոցների ու տպարանների ունեֆ քարտեզը: Հատուկ ցուցափեղկ է հատկացված պարբերական մամուլին, գիտության տարբեր ճյուղերի՝ բժշկության, մաթեմատիկայի, աշխարհագրության, պատմության վերաբերյալ գրականությանը: Այստեղ մենք տեսնում ենք նշանավոր գրողների, պատմաբանների, կուլտուրայի ու արվեստի այլ գործիչների պորտրետները այդ ժամանակ հիմնադրված կուլտուրական խոշորագույն օջախներ հանդիսացող լազարյան ճեմարանի, Ներսիսյան դպրոցի, Մուրադ Ռաֆայելյան դպրոցի և այլ դպրոցների լուսանկարները:

Հայ ժողովրդի XVI—XVIII դարերի և XIX դարի առաջին կեսի պատմությանը նվիրված ցուցահանդեսը ծանոթացնում է հայ ժողովրդի անօրինակ սխրագործությունների հետ և օգնում դաստիարակելու մեր երիտասարդությանը Սովետական հայրենիքի նկատմամբ անսահման նվիրվածության և հայրենասիրության ոգով:

Մ. ԿԱՐԱՊԵՏՅԱՆ

Վ. ԽԱՉԱՏՐՅԱՆ